

遼文匯

三



陳述著

遼

文

匯

(三)

中國科學院出版
中國圖書發行公司發行

遼文匯卷七

陳述校輯

涿州超化寺誦法華經沙門法慈修建實錄

清寧二年

劉師民

夫漢□而下像教綿興凡都城郡邑山野林泉地或有可者皆以□□聚縑侶而爲修習之所案地誌燕南良鄉縣黃山之陽有古院曰□□境□一川地吞百頃東西分野夏連於荆□□槽南□□遠□於灌山花壁歷載頗深遺塼靡具廊宇圯毀垣墉廢傾避風雨□□濕備行住坐臥之處則杳無觀矣逮重熙十祀有瓦井村邑人王文正三十餘衆特以茲院施於愬郡超化招提爲上院之備也乃有綱首沙門守能等愍此荒穢遂於當寺僧臘間擢大有□□者主焉衆謂我師行望素高尋以固請不果辭讓是往往持□後克殫己力善化他財得一錢一飯之費曾不自給止以□□□□常□

□□特於正面建慈氏堂一座三間四椽赤白結□□□人七菩薩並已了畢西位蓋僧堂一座三間四椽□□□□二十坐定光佛舍利塔一所三簷八角內收藏□□□□□□到□□菓木二千餘根開科出堪佃□□□□□□□□

言小小幹□不克盡書噫法之於世有衰有盛必因□□□□之行世有廢有興必因人而主也主是院者非我師□□□於□□良緣告畢思誌其功以師民鄉人也少小好□□以見托無克言退因述鄙詞清寧二年拓本

王師□爲先府君造幢記

清寧三年

樊 劭

上缺 不幸少失所天無祿及養思薦無疆之祐用報罔極將刊貞珉刻密教所謂佛頂

上缺 爲託劭應曰諾遂記之府君姓王氏諱守璘天與純德隱居不仕優游上缺踐言

鄉里自化由是左右千餘家凡有爭訟求決者不之官長詣上缺君據理辯折無不各

盡其情僞性仁恕輕施重義設遇人有盜其財物者必上缺不足而我有餘又何責焉

其待賓客不顧其家之有無雖日過數十人無上缺有知人之鑒今相國侍中楊公方

在髻亂已厚禮待之謂所親上缺氏之門後果以德行政事握鈞柄登廟堂爲時名臣

皆如上缺飯僧徒數千百人莫知紀極清寧三年以壽終於家享年六十五卽權塋于

上缺始舉其櫬與先夫人李氏合葬于范陽縣翔鸞鄉盧村之西北原上缺十月甲寅

朔十八日辛未記。

拓本、

涿州白帶山雲居寺東峯續鐫成四大部經記

清寧四年

趙遵仁

蓋聞嚴相好。具慈悲。師天人。出生死者。諸佛之願力也。開羣迷。入聖道。薰種性。達因緣者。諸法之功德也。佛之願力。既如彼。法之功德。又若此。佛法之道大矣哉。然則三身應現。資化以談其真。三學對明。惟經以標其右。爲聖凡之宗要。濟像末之根本。有緣斯格。無福靡臻。是以周兆不祥。化身以之西滅。漢警宵夢。像教由是東來。遂得貝籍。靈文時臻。於近代。就唐譯梵。歲出於諸家。釋教流通。自茲寔盛。若乃一軸一藏。半偈半言。或摸以香檀。或書之紺卷。尙能蠲見苦而滌宿業。締上緣而成妙果。利益廣大。思議其難。矧有勒石傳文。鑿山開室。錄寶軸之妙說。藏金口之微言。水火不可漂燒。風雨不可漬壞。以備凌滅。傳之無窮。寔所謂施最上法。盡未來際者也。燕都之有五郡。民最饒者。涿郡首焉。涿郡之有七寺。境最勝者。雲居占焉。寺自隋朝所建。號自唐代所賜。山在郡之西北五十里。寺在山之陽掌。寺之東望。有峯最高。故曰東峰。峯頂上有石室七焉。經佇是

室先自我朝太平七年會故樞密直學士韓公諱紹芳知牧是州因從政之暇命從者遊是山詣是寺陟是峰暨觀遊間乃見石室內經碑且多依然藏貯遂召當寺耆秀詢以初迹代去時移細無知者既而於石室間取出經碑驗名對數得正法念經一部全七十卷計碑二百一十條大涅槃經一部全四十卷計碑一百二十條大花嚴經一部全八十卷計碑二百四十條大般若經五百二十卷計碑一千五百六十條又於左右別得古記云幽州沙門釋淨琬精有學識於隋大業中發心造石經一藏以備法滅遂於幽州西南白帶山上鑿爲石室以石勒經藏諸室內滿卽用石塞戶以鐵錮之其後雖成其志未滿其願以唐貞觀十三年奄化歸眞門人導公繼焉導公沒儀公繼焉儀公沒暹公繼焉暹公沒有法公繼焉自琬至法凡五代焉不絕其志乃知自唐已降不聞繼造佛之言教將見其廢耶公一省其事喟然有復興之嘆以具上事奏於天朝我聖宗皇帝銳志武功留心釋典旣聞來奏深快宸衷乃委故瑜伽大師法諱可玄提點鐫修勘訛刊謬補缺續新釋文墜而復興楚匠廢而復作琬師之志因此繼焉迨

及我興宗皇帝之紹位也。孝敬恆專。眞空夙悟。非飲食致豐於廟薦。賤珠玉惟重其法寶。常念經碑數廣。匠役程遙。藉檀施則歲久難爲。費常住則力乏焉辦。重熙七年。於是出御府錢。委官吏佇之。歲析輕利。俾供書經鐫碑之價。仍委郡牧相承提點。自茲無分費常住。無告藉檀施。以時繫年。不暇鐫勒。自太平七年至清寧三年。中間續鐫造到大般若經八十卷。計碑二百四十條。以全其部也。又鐫寫到大寶積經一部。全一百二十卷。計碑三百六十條。以成四大部數也。都摠合經碑二千七百三十條。若乎攝九類四生。歸眞寂無餘者。莫尊於大涅槃。大乘頓教方廣眞筌。一句之內。包法界。一毛之中。安刹土者。莫出於大花嚴。破有歸無。泯相逐性。作衆經之軌躅。爲諸法之玄宗者。莫歸於大般若。求佛智見。入佛境界。斷纏縛之愛心。去執著之妄想者。莫如於大寶積。如是經典。鐫之以石。藏之以山。四部畢備。壯矣哉。亦釋門中天祿石渠也。噫。竹軋歿而佛聲寢。靈山壞而法不作。後數百年。熾然興者。豈非時有遇而教有緣乎。清寧三年五月十二日。大寶積初成。郡守蕭公諱惟平。天子股肱。法門牆壩。下車之後。以六條布政。副聖上

之倚毗。退公之餘。惟三寶留誠。稟如來之付囑。欣其遭遇。寔謂寅緣。乃請召余。謂曰。四大部經。今續鐫畢。見聞之下。幸會攸難。願製好辭。以爲刊記。余弓裘未襲。苦塊居憂。又以先父前剖是郡。亦於經事私積願誠。周任未遷。遽嗟奄逝。敢以順先父之願。遵良牧之請。罔愧孱蕪。直以爲記。大契丹清寧四年三月一日記。拓本、

沙門志果爲亡師造塔幢記

清寧六年

沒故本師和尚。范陽縣團柳村人也。俗姓梁氏。童子出家。依年受具。性柔勤學。精進爲務。習律。講唯識論。法諱法瑩。去清寧五年。夏四月二十八日。構疾而終矣。門人志果。志省。志悅等。思念法之恩。粉骨粹骨。難。下缺

佛頂陀羅尼經塔用。法。伏維。尚。此建塔功德。下漫漶不清。次庚子十

月丙辰朔十八日癸酉甲時。拓本、

特建尊勝陀羅尼塔記

慈。爲師。依年受具。法花經。菩

薩□□因□論誦菩薩戒經不記其數□□時禮念□無虧衆請知□事□難□冬寒不倦夏熱無辭去清寧六年孟夏月二日遘疾而終積薪焚□燦其舌乃不灰矣□師可昇□□思法乳之恩每憶託□之德遂建佛頂尊勝陀羅尼經塔用資法識伏願永世勝因功德累生罪障隨影覆已消除宿□怨魂逐塵霑而登彼岸拓本

按額題「奉爲沒故和尚特建尊勝陀羅尼塔」

沙門可訓爲本師季支造塔記

清寧七年

歿故本師范陽縣梁家庄人也姓郝氏自小出家受具後住山一十五年誦六門陀羅尼大般若經明王經大小乘律等經誦滿万部和尙法諱季支春秋五十有五去清寧二年季秋朔莫彫四葉數盡而終舌乃不灰門人可訓輩時今□誠之恩以建斯塔矣
清寧七年三月五日拓本

張績墓志銘

清寧九年

李三畋

伏聞梁選所序誌謂紀其年代釋名所載銘者述其功美蓋士君子生而有行實身後

不可以弗顯。死而有壽數。塋前不可以弗紀。又曰。君子恥當年而功不立。疾沒世而名不稱。則誌銘之義。可得而詳焉。公諱績。字熙凝。世爲清河人。其先出自軒轅。代掌網羅。厥後氏焉。洎乎分茅列土。翼子貽孫。首三傑而籌幄受封。逮七葉而珥貂迭貴。晉推博物。丞相有紫氣之占。唐許屬文。學士著青錢之譽。□謂弓裘繼軌。胄系叅華。蔚國史以揚芬。炳家牒而騰茂。曾祖諱簡。祖昭遜。父偉。並溫恭賦性。夷雅馳聲。天爵方高。脫浮榮而不仕。世風克劭。終善慶以生賢。公方幼。挺出人之奇。康衢不戲。旣長。視樂羣之業。庠校推成。士衡有患多之才。令範擅構思之敏。于太平末歲。屬而立。進士乙科登第。景福秋。解褐授將仕郎守祕書省著作佐郎。重熙初。覃加文林郎武騎尉。二年夏。改授涿州事判官試大理評事。四年秋。改授彰國軍節度掌書記加登仕郎。當年冬。覃加儒林郎雲騎尉。六年冬。朝廷以識察過人。廉直約己。財毋苟得。□□□。差公充燕京管內都商稅判官。吏不敢欺。商修所鬻。市征倍入。府月無虛。以出錢三百萬餘。不滿考而勾赴中堂。七年冬。俾權延慶宮漢兒勃海都部署判官。嗣歲秋。朝廷以縣者諸侯之封國。以

百姓爲本。爰憑字愛。式在□□。迺加承務郎。守應州金城縣令。□□居先。招攜爲務。未經歲間。其惡前政絜家而去。復負櫬而還者。逾三百戶。而又恢必葺□□之謀。勵徇公之節功。□□足庀廨館壁。十年冬。改除白川州觀察判官。遷承奉郎。二年春。覃加徵事郎。飛騎尉。勾抽詣闕。十三年正月。□□郎□大理寺丞。當年冬。以案空加宣義郎。驍騎尉。尋奉詔接送賀永壽正旦高句麗人使。十四年冬。改授上京留守。□□□□理司直。賜緋魚袋。翌歲秋。以訟息加朝散郎。當年冬。改授鹽鐵判官。太子中允。十六年春。勾赴朝。當年六月。加宣德郎。□□□□御史騎都尉。十七年秋。改授度支都勾判官。加朝請郎。守尙書虞部員外郎。當年冬。改授興國軍節度副使。銀青崇祿大夫。約缺十餘騎都尉。十九年冬。改除興中府判官。奉義郎。守尙書刑部郎中。借紫。二十二年春。除西京警巡使。約缺十餘字尙書□侍御史。二十□年七月。興宗皇帝以天下生財。雲中舊壤。飛輓之計。饜麴尤盈。嚮匪。約缺十餘字之僉。及覽奏。□而迺餘。□□遂降。□□□

宣□爲部監。公受命之辰。莅事伊始。惠愛潛設。威察外施。約缺十餘字之節。官不□費。□□

甚繁。殆周其歲。以舊最出。錢二萬三千餘緡。第課之際。朝約缺十餘字尚書倉部郎

中。都尉逮今上纂立。覃加檢校尚書右僕射。特封清河縣開國公。約缺七八字

年夏。提點。忠順軍節度副使。約缺七八字密布政。豪猾才。侵漁之氣。閭閻

遂鰥寡之情。不約缺六七字服餌壑舟夜。約缺十餘字詠以清寧四年三月八日。卒于在任。享

年五十有七。憫昊天之無憝。嘆良人之殲。當總帳以啓筵。嘒泊輕。路闔

境傷悲。公治有聲。無賢靡尙。至若胸包雲夢。氣聳昭回。剛柔不移。進退如一。情非苟

權。有疾而亦強。可從斯有。豈比夫貌恭而心狠。志惡而面柔者也。奈

何。壽不至於杖鄉。位不首乎府監。豈非善則虛乎。嗚呼哀哉。公夫人卽中書門下

平章事史相之長女也。痛違偕老。恨結未亡。乃于當年十月。隨護其柩。葬于鄴陰縣故

里。從先人之塋。禮也。子四人。長曰錫。登進士第。數年。懇達中堂。方請外任。

乃拜承奉郎守祕書省著作郎。知析津府本縣事。賜緋魚袋。次曰錫慶。次曰錫範。並以

其問□□□價茂塾庠兩赴詞闈佇捷科等次曰興國女子三人長則早選佳對卽進士劉定也次曰花嚴女次曰臺哥皆□□工儀淑閑著美□從女訓未卜鳳鳴孫女二人婉哥妙哥並幼三畋鄉人也早仰公之賢嚮公之德當聆卽世深切慟□今有事於□園辱請訓於賢宰迴陵轉阜欲懿跡以長存礪石援毫敢爲銘而昭示銘曰

原草萋萋兮寂照多□

玄堂封樹巖巖關扉

厥後千古兮觀者知誰

悲哉清河遺懿在茲

拓本、

非濁禪師實行記

清寧九年

沙眞延

京師奉福寺懺悔主崇祿大夫檢校太尉純慧大師之息化也附靈塔之異位樹佛頂尊勝陀羅尼幢廣丈有尺門弟子狀師行實以記爲請大師諱非濁字貞照俗姓張氏其先范陽人重熙初禮故守太師兼侍中圓融國師爲師居無何嬰脚疾乃遜匿盤山敷課於白繖蓋每宴坐誦持常有山神敬侍尋克痊八年冬有詔赴闕興宗皇帝賜以紫衣十八年敕授上京管內都僧錄秩滿授燕京管內左街僧錄屬鼎駕上仙驛徵赴

闕今上以師受眷先朝。乃恩加崇祿大夫檢校太保。次年。加檢校太傅太尉。師搜訪闕章。聿修睿典。撰往生集二十卷進呈。上嘉贊久之。親爲帙引。尋命龕次入藏。清寧六年春。鑾輿幸燕。回次花林。師坐於殿。面受燕京管內懺悔主菩薩戒師。明年二月。設壇于本寺。懺受之徒。不可勝紀。九年四月。示疾。告終于竹林寺。卽以其年五月。移窆于昌平縣。幽國公仰師高躅。建立寺塔。并營是幢。庶陵壑有遷。而音塵不泯。

清寧九年五月講僧眞延撰并書。

拓本、

法喻等爲先師造幢記

咸雍二年

前勑不消

通門□本□生經師志不□□□□也□講□悲□□□世重熙十七年季秋

月莫生十四筴。俗壽四十有八。乃化緣終矣。痛法山而一倒。悼惠□以永沉。具時鮮品。□□含靈□感乃於寺南被涅盤儀盛積香壇而焚。尋收遺骨。□至咸雍二祀二月三十日。有門人法喻法轉等有先師之遺風。□□□時賢至合□□有奉先之孝。曾無忘本之心。欲報先師函丈授□之恩。於寺東南隅。敬造尊勝密言幢一坐。伏願先師塵露

餘燼八維超十地之□□□□軀一生圓曠劫之果爾。

咸雍二年歲在丙午二月乙酉朔三日拓本、

陽臺山清水院藏經記咸雍四年

沙門志延

夫覺皇之誕世也。示生以八象。演法以一音。軌物正時。宏益無盡。自雙林樹圓寂而後。

七葉岩結集已還。教道流通。於是乎在。若乃羣方覃衍。歷代弘揚。雖夢入漢朝。神應吳

會。曷若我朝之盛哉。繆氏文存據拓本亡以上七十二字、陽臺山者。薊壤之名峯。清水院者。幽都之勝槩。跨燕

然而獨穎。侔東林而秀出。那羅窟邃。韞性珠以無類。兜律泉清。濯惑塵而不染。文存無以上三十二字、

山之名。傳諸前古。廟之興。止於近代。雖竹室華堂。而卓爾而琅函寶藏。以蔑如。文存無以上十六字、

將構勝緣。旋逢信士。今優婆塞南陽鄧公從貴。善根生得。幼年早事於重修。文存無以上七字、淨

行日嚴。施度恒治於靳惜。文存無以上七字、咸雍四年三月四日。文存無「四日」二字、捨錢三十萬。葺諸僧舍

宅。厥道人是念。界獄將逃。非教門而莫出。法輪斯轉。趣覺路以何遙。乃罄捨所資。又五

十萬。文存無以上四十字、募同志助辦。文存無「助辦」二字、印大藏經。凡五百七十九帙。創內外藏。而龕措之。